

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALLESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 12

-- DITEMA 1952 --

MAT. 39.

Na te Faaroo e Faatupu i te Ohipa Maitai.

Ia rave te taata i te hoê ohipa-ra, e mea tia ia'na ia faaroo i te ohipa ta'na e rave ra. Mai te reira te huru, o te mau taata faaapu. E tanu ratou i te mau huero i roto i te repo. Ahiri e, aita ratou i faaroo i te tupuraa i te reira mau huero e ore ia ratou e tanu.

Mai te mau melo i roto i te Ekalesia. Ahiri e, aita ratou i faaroo i te haapaoraa Momoni, e ore ia ratou e ô i roto i teie nei Ekalesia. E aita hoi tatou i haapao i te hoê faaneraa a te Atua i ore ai tatou e faaroo i te reira.

I te anotau no Iesu, ua faaora atura Oia i tei maihia na roto i to ratou ra faaroo. E haamana'o i to Iesu haereraa i To'na iho fenua a'ia, aita ratou i farii Ia'na. No reira e ere te mea rahi te mau temeio Ta Iesu i rave i reira no to ratou faaroo ore.

Te faaroo noa nei tatou mai ta Iesu i faaroo i te taima i ani mai ai te tahi pae o te mau papai parau e te mau pharisea ia'na, na ô maira, "E Rabi, te hinaaro nei matou ia ite matou i te tahi semeio ia oe. Ua parau atura râ Oia ia ratou, na ô atura. E titau â te ui taata iino e te faaturi i te semeio, aita râ e semeio i horoahia'tu, maori râ te semeio i te peropheta ra ia Iona." (Mataio 13:38-39)

O tei ani atu i te mau semeio e ravehia e ia ite hoi i te mau tapao na mua i to ratou faarooraa i te Evanelia. E ere ia te reira i te faaroo e te tiaturiraa no tatou. "O tei faaroo ore ra e haamouhia ia," mai tei parauhia ra e te Fatu.

No reira, e mea tia ia tatou ia tamau i te mau haapiiraa ta Iesu i haapii no nia i te faaroo, e mai ta te tahi mau tavini a te Fatu i haapii atura. Tei ia tatou te parau e te faatereraa i te mau ohipa atoa ra na tatou. Ia hape noa tatou i te mau ture atoa a te Atua e ei faaroo tapetapeta hoi, aito roa te Atua e mauruuru ia tatou.

Mai te mea e, e tiaturi noa tatou i te Atua e e faaroo hoi Ia'na. Na'na ra e horoa mai i te mau haamaitai raa, e te tura, e te hanahana, e te mana, mai tei faaitehia ra e ta'na ra mau peropheta.

Na o maira Birikama Ioane e, ia tupu to te taata faaroo mau i roto i ta'na ra aan, na te reira i faatupu i te ohipa maitai e e faatupu hoi i te faaroo ruri ore no roto mai.

Papaihia e Kelevina Orometua

Nohea mai na to te Taata nei mau Ati e ta'na ra mau Peapea?

Te faaroo nei te rahiraa o te taata o te ao nei e, e rima aroha to te Fatu. Te na ô maira te parau a te Fatu ia Mose e, "Inaha hoi, o ta'u ia ohipa e to'u ia hanahana hoi, ia faatupu i te huru tahuti-ore-raa o te taata e te ora mure ore no'na ra." A hio i te Buka Poe Tao'a Rahi i te api 7.

Area râ, ua î roa te ao atoa nei i te hara e te mau peapea e rave rau.

"E teie nei, no te taata hoê ra i ô mai ai te ino i te ao nei, e no te ino hoi te pohe." Roma 5:12. E no reira ua papu roa ia tatou e, te vai ra te hoê anotau maitai i te mata-mua, hou te hara e te ino i ô mai ai; e aore e ino i te ao nei ite reira tau, e aore roa hoi te pohe i itea i nia i reira. Mai te reira te huru o te ô i Edene hou to Adamu raua Eva hi'araa ra. No to'na faahaparaa i te ture a te Atua ra, i kata-rahia ai te taata nei."

"O tei rave i te hara ra, ua faahapa ia i te ture; o te faahapa hoi i te ture ra, o te hara ia." I Ioane 3:4,

E no reira ia ui mai te taata e, "nohea mai na to te taata nei ati e to'na ra ino?" A pahono atu, "no roto mai ia mau mea i ta te taata nei faahaparaa i te mau ture a te Atua." No te hara ana'e taua mau mea ra. No te hara e te ino a te taata parau tia ore ra, e û mai ai te mau ati e te mau peapea e rave rau i nia i te taata tiaraa maitai e te taata hara atoa hoi.

Ua farii to tatou Fatu o Iesu Mesia i te ati tei hau i te rahi i te mau ati atoa ra. A faaroo mai i te parau a te Fatu no taua ati iho ra.

Te na ô maira ia parau e, "Inaha hoi o Vau, o te Atua, ua faaoromai i teie nei mau mea no ratou atoa, ia ore ratou ia pohe ia noaa ia ratou te tatarahapa; ia ore râ ratou ia tatarahapa e roohia ratou i te *ati mai ia'u atoa i ati ra: e na te reira ati i faatupu i roto ia'u iho, oia hoi, te Atua, tei hau roa i nia roa, te rurutaina no te mamae* e ua tahe te toto i te poa atoa, e ua mamae te tino e te varua atoa eiaha hoi au ia oriorio i te inuraa i te aua maramara ra? No te hara i ati ai Iesu i taua mamae rahi ra. E ere râ no Ta'na iho hara; no te hara râ ia, a te taata nei. Ua farii Iesu i te hopoia o te mau hara a te taata nei, e ua pohe hoi Oia no taua mau hara ra. No te aha i na reira'i Oia? No te mea, "O Ta'na ia ohipa e To'na ia hanahana hoi ia faatupu i te huru tahuti-ore-raa o te taata, e te ora mure ore no'na ra."

Ia roohia te hoê taata parautia i te ati e te peapea, eiaha tatou ia mana'o e, no ta'na iho mau hara te reira ati i faataehia, i nia iho ia'na. A hi'o na ia Ioba, e rave rahi ta'na mau ati i faaoromai. E ere no ta'na iho mau hara i faatae mai ai te Atua i taua mau ati ra i nia ia'na. No te hara râ te reira mau ati i vai mai nei i roto i te ao nei, e e roohia te taata parautia i taua mau ati ra, i te raui e te raui. Mai ia Iesu i faaoromai e i ati hoi i te mamae no te hara a te mau taata parau-tia-ore, ia na reira atoa te taata para-tia atoa e tia'i.

O Satane ra, o te tumu rahi ia o te hara. Na roto i

to'na ra mau ravea pi'o ra, te haavare nei oia na te mau fenua atoa o te ao nei. Te vare noa nei te taata ia'ua e te tiaturi nei, e te haamori nei ratou ia'na. E na roto i to ratou tiaturiraa ia'na te aratai nei oia ia ratou i roto i te mau hape e te mau hara. Te feii, te riri, te ohipa orure hau, te te tama'i, te nounou, te faaturi e te mau huru hara atoa ra, o te hotu ana'e ia no te mau kuero i ueuehia e Satani i roto i te aau o te taata tei tiaturi ia'na ra.

E te mea e ore ai taua mau huru ati ra, o te haapao-raa ia te taata atoa i te mau ture e te mau oroa no te Evanelia a Iesu Mesia.

E rave rahi te taata parau-tia e pohe noa nei i roto i te mau ati ma'i, te mau tama'i e te mau huru ati atoa ra.

E no te hara e te ino o te taata parau-tia ore i tupu ai taua mau ati ra. A rea râ te taata e pohe i te Fatu ra, e ao to'na; e farii oia i te utua rahi e te maitai i te ao a muri atu. E te taata parau-tia ore, na'na teie mau ati i faatupu, e pohe mure ore to ratou.

E ao to te feia i pohe ma te faaroo i te Fatu a pohe ai ra mai ô nei atu, ia tae mai te Fâtu, e ia haamouhia te mau mea tahito ra, e ia faapihia te mau mea atoa ra, e tia mai ratou mai te pohe mai e ore hoi ratou e pohe faahou e amuri noa'tu, e noaa hoi te ai'a ia ratou i mua i te Fatu, i roto i te oire Mo'a." B. F. S. 63:13.

"E tupu hoi teie, o tei pohe i roto Ia'u ra, e ore ia e ite i te pohe, e riro hoi ia ei mea mârû ia ratou; e o te ore i pohe i roto Ia'u ra, e ati to ratou, e pohe mamae hoi to ratou." B. F. S. 42:12.

I te tau tahito a vai ai te mau peapea e rave rahi i rotopu i te mau taata o tei parahi i te fenua Amerika ra, ua haruhia te mau tamarii e te mau vahine no te hoê mau taata faaroo e ua hurihia ratou i roto i te auahi.

Na te hoê mau taata ino roa e te hara rahi taua ohipa ino ra i rave. Ua ite na peropheta no te reira tau i teie mau mea, e no te aroha i roto i te aau o Amuleka i hinaaro ai oia e faatoro atu raua i to raua rima, e rave i te mana o te Atua i roto ia raua ra, e faaora'tu i tana mau vahine ra e taua mau tamarii ra i te auahi. Ua parau a'era râ Alama ia'na, ua tapeahia vau e te varua, eiaha vau e faatoro atu i to'u rima; inaha hoi, na te Fatu ratou e rave i nia Ia'na iho i roto i te hanahana; e te faatia ra oia ia na reira te feia i te rave i teie mea ia ratou ra mai te au i te etaeta o to ratou aau, ia riro ei mea tia te mau faaauraa Ta'na e faatae mai i nia ia ratou i To'na riri; e riro te toto o te feia hara ore, ei ite ia ratou, na te reira e pii hua'tu ia ratou i te mahana hopea ra. Alama 14:11.

Ua ite Ioane, "i raro a'e i te fata i te mau varua o te feia i taparahihia no te parau a te Atua, e no te parau ta ratou i faaite ra. E ua pii hua atura to ratou reo, e ua na ô atu, mai te aha te huru o te maoro, e te Fatu Mo'a e te parau mau, e haava ai oe, e e tahoo mai ai oe i to matou toto i te feia e parahi i te ao nei? Apokalupo 6:9-10.

E i muri mai ra, ua ite o Ioane, i tupuraa o te tahooraa a te Atua i to te ao nei, e ua haamaitai oia i te Atua o oia i tahoo mai i te toto o taua mau taata ra. A hi'o i te Apokalupo 19:2.

a te taa
e ia faa
a te taa
e e haa
hanaha
feia ha
oto o to

mita, te
i te 23
tainaa
ite oia
M. 182
Satepa
a Moro
1827.
hu'ara
unu i te
raa a M
ba e o
te mata
roa ta'
ho'iraa

Mai ta Iesu faaoromairaa i te mamae rahi no te hara a te taata nei, ia na reira hoi to te Mesia, e tia'i; ia farerei e ia faaoromai atoa ratou i te mamae rii e te ati, na te hara a te taata parau-tia-ore nei, e tia'i. E riro ra te rê ia ratou, e e haaparahihia ratou i roto i te fare o te Fatu, i roto i te hanahana o te Fatu e amuri noa'tu. E etae! Atae hoi! te feia hara e! E faautuahia ratou no te mamae, te aue e te oto o te feia parau-tia ra.

Papaihia e to outou hoa i te faaroo Pou Moo

To Iosepha Seimita Itoito

(*Maa parau iti tuatapapa*) Ua fanauhia Iosepha Seimita, te peropheta matamua i teie mau mahana hopea nei, i te 23 no Ditema, M. 1806, i te oire ra, Sarona, i te matainaa ra, o Winetora, i te tufaa fenua ra, Veramona. Ua ite oia i ta'na orama matamua o te Metua e te Tamaiti i te M. 1820, e ua fâ maira te melahi o Moroni ia'na i te 21 no Satepa i te M. 1823. Ua farii oia i te mau api auro no te Buka a Moromona, e ua oti te iritiraa i 22 no Setepa i te M. 1827. Ua faatoroahia oia e Ioane Bapetizo i te Autahu'araa a Arona i te 15 no Mei te M. 1829, e i te avae Tinnu i te matahiti 1829. Ua faatoroahia oia i te Autahu'araa a Melehizedeka e na melahi, o Petero e o Iakoba e o Ioane, e ua faatiahia te Ekaiesia i te 6 no Eperera i te matahiti 1830. E rave rahi te mau heheuraa faufaa rahi roa ta'na i farii. e ua oti ia'na te hoê ohipa maere i te faa-ho'iraa mai e te poro-haere-raa i te Evanelia, e i te hopea,

mai te tia ore, ua taparahi-pohe-roa-hia oia e te hoê taata orurehau i te faretapearaa i Karatage i Ilinoi i te 27 no Tiunu i te matahiti 1844.

I te iva, o to Iosepha matahiti, ua pohe hia oia i te ma'i typhus, e i te hopea ua tae ia i roto i te ivi o to'na avae, rahi roa a'era te mamae. Ua tae mai te taote, tupu ihora i te hoê tapuraa, evau initi te roa, i ropu i te turi e te momoa avae. Ua mannuia teie no te taime poto ana'e, e i reira ua tapti-hia te tapuraa, e i teie taime, ua tapuhia e tae noa atu i te ivi. Ua ravehia teie mai te haamarû ore i te mau iui, aore te raau faataоторaa i itehia i te reira taime. I te hopea, ua parau mai te taote, ia tapu-faarue-hia to'na avae e tia'i. Aore to Iosepha metua vahine i faatia, no reira, na tauturuhia te tapuraa. I teie taime ua ravehia te hoê tapuraa fifi roa, ua hinaaro te taote ia taamu ia Iosepha i nia iho i te ro'i ia ore oia e hauti. Ua parau maira Iosepha e, "Eiaha, e mea ohie ia'na ia faaoromai, mai te mea e aita vau i taamuhia."

Ua parau mai te taote, "Na reira, e ïnu anei oe maa ava iti, e aore râ te uaina ia haamama rii i te mamae?"

Pahono atura Iosepha, "Eita; eiaha e hoê topata, terara e parahi to'u metua tane i nia iho i te ro'i nei e tapea ia'u, e i reira oe e rave ai i te mau mea atoa e tia'i no te iritiraa i teie nei ivi."

Ua haamata te taote i ta'na tapuraa i te houraa i te hoê apoo i roto i to Iosepha ivi avae na teie pae atu nei i te vahi i ma'ihia ra e na tera pae atoa mai, e ia oti, ua rave oia i te faahohoni e ua ofati i te ivi i te vahi ino. I te fati-

raa o te tufaa matamua ua pii Iosepha no te mamae rahi, tirara, faaitoito ihora oia. Ia oti te tufaa toru i te iritihia ua tahe puai mai te toto, i roa ihora te ro'i, ua mehameha Iosepha, e ua tahe te hou no to'na mata, e mamae rahi roa to'na. Ua faaotihia te tapuraa, e ua huru maitai to'na avae. I te hopea ua ora roa.

E tae a'era to'na matahiti i te ahuru ma maba, ua faai oia i te orama hanahana no te Metua e te tamaiti. Na mua mai i te reira, e rave rahi to'na mau hoa. Ua mana'o Iosepha e, e mauruuru ratou i te faarooraa i to'na ra orama, o te faainoraa e te tahitohitoraa ana'e râ ta'na i farii. Ua haamata atoa ratou i te hamani ino mai ia'na, Noa'tu i teie mau mea ino, parau noa'tu oia e, e parau mau hoi teie mau mea ta'na i faaite.

Ia paari oia ra, e tino etaeta e te maitai hoi to'na, e ono avae e hoê initi oia i te roa, e fatata e 90 kiro to'na faito, e mae afaro to'na haereraa, mai te tura e te mana hoi, ua i oia i te itoito e te mata'u ore, e taputo maitai oia, e e tia oia i nia e ou'a i nia a'e i te raau teitei a'e i to'na iho upoo. Ua marû oia i te mau taima atoa, aore oia i riri oioi.

I te hoê taima ua tapeahia Iosepha e te tahi mau taeae i roto i te fare auri i Misouri. I to pô ua faaroo noa ratou i te tuhi e i te parau faufau na te mau tia. Tia a'era Iosepha i nia, noa'tu te mau fifi auri, e i roto i te re'o mai te patiri, ua na ô atura oia ia ratou, "A mamû outou, te mau demoni no te apoo o Hade: I TE I'OA O IESU MESIA te faahapa nei au ia outou. Eita vau e ora e hoê minuti faahou e e faaroo i te na parau, a faaore i te reira parau e

aore râ, e pohe outou, e aore râ o vau te pohe i teie nei minuti." Ua faaoti oia i ta'na parau, e ua tia noa ra oia i nia mai te hi'o atu ia ratou, o temu ihora ratou, e ua tatarahapa ratou i mua ia'na, aita roa ratou imania faahou.

I te tupuraa o te varua ino i te rahiraa i nia iho ia Iosepha, e aita ta'na mau enemii faaea e tae noa'tu ua taparahihia oia, ua opua oia ia faarue raua to'na taeae, o Haeramu i Navu, e haere i te to'o'a ô te râ e maa taime iti. Ua mana'o oia e, o raua hoi tei hinaarohia e te mau taata haamani-ino, e mai te mea e haere atu raua, eita e haapeapea-noa-hia te Feia Mo'a. No reira ua haere raua i tera pae mai i te anavai ra o Misisipi i te to'o'a ô te râ. I to Iosepha ma taeraa i reira, ua pari te tahi mau hoa haavare ia'na i te na ôraa mai e, "E taata mata'u oia." Ua ho'i maira Iosepha ma, mai te parauraa e, "Te ho'i nei maua ia taparahihia, mai te mea e, aita to'u ora e faufaa ia ratou, aita'toa e faufaa ia'u nei." Ho'i maira raua ia taparahihia no to raua faaroo.

Te Mau Uiraa no te Haapiiraa Hoê

U. 1 Eaha te ravea ia faatupuhia te hinaaro i roto i te aanu o te mau tamaroa ia haapao i te parau o te paari?

U. 2 Eaha te tapao tei faaite mai ia tatou e, e mana Peropheta to Iosepha?

U. 3 A faaite mai na te huru o to Iosepha itoito i to'na tamariiraa; e to'na apîraa; i to'na paariraa?

U. 4 Eaha te hoê mau ohipa ta Iosepha i rave tei faaite mai ia tatou e, e taata riri ore oia?

U. 5 A faaite mai i te huru o to'na itoito i te tapu-raa hia to'na avae?

U. 6 Eaha te huru o te itoito i titauhia ia faaoro-mai i te faainoraa e te tahitohitoraa mai te riri ore, e te mata'u ore, e te tahoo ore?

U. 7 Eaha to Iosepha mau huru i te pae tino nei?

U. 8 Eaha to'na huru i te taeraa mai o te mau orurehau?

U. 9 Eaha te tumu no to'na mana i nia iho i te mau orurehau? E i nia iho i te mau tia i te fare tapearaa?

U. 10 Eaha te huru o te mau raatira orurehau i to ratou aroha rimaraa ia Iosepha?

U. 11 Eaha te ravea ia rahi te mau taata i te pure-raa nei? Eaha te ravea ia faatupuhia te hinaaroo i te pure-raa nei?

Ta Iosepha Fariiraa i te Mana Mo'a ra

A iriti ai Iosepha i te Buka a Moromona, mai te tauruhia e te Urima e te Tumima, i te parau i ootibia i nia iho i te mau api auro, tei horoahia mai ia'na e te melahi ra o Moroni, e a papai ai Olive Taudere i te parau, "no te Buka a Moromona," ta Iosepha i faaite ia'na, ua tai'o raua i te

hoê parau no nia iho i te baptizoraa ia matara i te hara. Ua mana'o raua e, e vea mau te reira, e ua paraparau maoro raua i te reira. I te avae Me i te matahiti 1829, ua haere raua i roto i te uru raau e tuturi i raro ia pure i te Fatu. Ua ani raua ia'na ia haamaramarama mai ia i nia iho i te parau no te baptizoraa.

A pure ai raua ua fâ mai te hoê melahi ma te hanahana ia raua ra. Ua faaite mai oia e, o "Ioane Baptizo" oia mai te au i itehia i te tau no Iesu, e ua tae mai oia ia horoa atu ia raua te mana mo'a. Ua tuu oia i to'na rima i nia iho to raua na upoo i te na ôraa mai e, *"I nia iho ia orua e ta'u na taeae tavini, i te io'a o te Mesia te tuu atu nei au i te Autahu'araa a Arona tei mau i te taviri o te melahi tavinira e te taviri hoi o te Evanelia no te tatarahapa, e te baptizoraa utuhi ia matara te hara, e e ore e rave-ê-hia teie i te femua nei e ia pûpû faahou te tamarii tamaroa a Levi ra i te ôi te Atua ra ma te parau-tia."* Ua faarue maira oia ia raua; reva'tura ma te hanahaua.

I reira mai te haapao i ta'na mau faaueraa, ua baptizo Iosepha ia Olive, e ua baptizo Olive ia Iosepha. I reira Iasepha i faatoroa'i ia Olive i te Autahu'araa a Arona, e na Olive i faatoroa ia Iosepha ra. Ua tae mai te varua tohu i nia iho ia raua, e e rave rahi te mau mea ta raua i tohu ra.

I te avae Tiun i te matahiti 1826, i Faete, i te matae-naa o Seneca, i Nin Ioka, ua fâ hanahana mai na melahi e toru, oia hoi, o Petero e o Ioane e o Iakobo mai te au i to ratou na i'oa i te tau no Iesu, ia Iosepha Semita raua Olive Taudere. Tei ia ratou hoi te mau taviri mana no te reira

te hara. rau ma-
, ua ha-
te Fatu.
iho i te
hanaha-
tizo'' oia
ia horoa
i nia iho
orua e
ei au i te
tavinira
bapetizo-
e i te fe-
ra i te ôi
ia raua;
bapetizo
I reira
ona, e na
tohu i
tohu ra.
te matae-
melahi e
au i to
ua Olive
te reira

tau. Ua faatoroa ratou ia Iosepha ei aposetolo, e ua horoa-
'tu ia'na i te Autahu'araa a Melehizedeka, o tei horoahia ia
ratou e Iesu Mesia i to'na faaeraa i te fenua nei. I reira
ratou i faatoroa'i ia Olive Taudere i taua Autahu'araa ra. Na
muri a'e i to ratou revaraa ma te hanahana, ua faatoroa-
faahou-hia Olive e Iosepha, e ua na reirahia mai Iosepha e
Olive. Ua tamauhia te horoaraa o te Varua Maitai i nia ia
Iosepha raua to'na taeae tavini, e ua farii oaoa, rana i To'-
na mau haamaitairaa.

I to Moroni fâraa matamua mai ia Iosepha, i te 21 no
Setepa, te matahiti 1823, tei rotopu te mau mea ta'na i faa-
ite mai teie fafauraa; "Inaha; E horoa'tu vau ia oe i te
Autahu'araa na te rima o Eliaha, te Peropheta, na mua i te
taeraa mai i taua mahana rahi mata'u o te Fatu râ; ia faafa-
riu oia i te aau o te mau metua i te mau tamarii e te aau o te
mau tamarii i to ratou ra mau metua. Ahiri aita ia, ua
haamo'u-roa-hia te fenua nei i To'na haereraa mai."

Fatata i te ahuru ma toru matahiti a'era, i te haamai-
tairaa i te hiero i Ketelani. ua farii Iosepha raua o Olive i
te hoê orama maere, e i roto hoi ua horoahia te tahi mana â
no te faatiaraa i te Ekalesia. Ua fâ maira Iesu Mesia ia
rau, tia a'era Oia i nia iho i te terono. I roto a'e i to'na
avae, ite atura raua i te hoê mea auro. Mai te ura auahi
to'na mata. Te rouru o to'na upoo, mai te hiona ia te tea-
têa. Ua hau to'na hanahana i to te mahana ra, e ua au to-
'na re'o i te tahe-puai-raa o te pape rahi. E rave rahi te
mau faaueraa faufaa rahi ta'na i horoa ia raua ra. Vehea-
hia a'era te ra'i, e ua fâ maira te melahi ra. O Mose, e ua

horoa maira i te mau taviri no te haaputuputuraa o Iseraela. I reira, ua tae mai Elia ua horoa maira i te mana no te tau tuuraa Evanelia no Aberahama. I reira ihora ua fâmai o Eliaha, te Peropheta tei ravehia i nia i te ra'i ra ma teite ore i te pohe, e ua horoa mai oia ia raua i te mau taviri ia ora to tei pohe ra.

Te Mau Uiraa no te Haapiiraa Piti

U. 1 No te aha Iosepha raua Olive Taudere i haere atu ai i te uru raau ia pure?

U. 2 O vai tei fâ mai ia raua ra e pahono i ta raua pure?

U. 3 Eaha ta oe i ite no te fanauraa e te orâraa o Ioane Bapetizo mai te au i tei faaitēhia i te Faufaa apĪ.

U. 4 Eaha te tumu no to'na fâraa mai ia Iosepha raua Olive Taudere? Eaha te Autahu'araa ta'na i horoa mai ia raua?

U. 5 Eaha te mana no teie Autahu'araa?

U. 6 O vai na melahi tei fâ mai ia Iosepha raua Olive Taudere i te avae Tiunu?

U. 7 No te aha ratou i tonohia mai ai?

U. 8 Eaha te mana o te Autahu'araa a Merehizedeka i horoa mai i te taata nei?

U. 9 E toroa aha ta teie na vea i faatoroa i te pe-

HISTORIAN'S OFFICE LIBRARY

ropheta

U

o Olive

U

ia raua

U

tamatar

taraa râ

naaro?'

I

sepha i

Atua ia

e ohipa

oia e, e

atoa e t

reira ta

te man

mea ra

hia ma

ere-noa

e faaor

ua faat

ropheta?

U. 10 O vai ma ra te tonohia i te Peropheta raua o Olive Taudere?

U. 11 Eaha te mana ta teie na melahi i horoa mai ia raua?

U. 12 E parau paraparauraa; "E ere te pure i te tamataraa i te Atua ia faahuru-ê-hia to'na mana'o, e tamataraa râ na te taata nei ia farii e ia haapao i ta te Atua hinaaro?"

To Iosepha Mana Peropheta

I te ahuru ma vauraa o to'na matahiti, ua faaite Iosepha i to te ao nei te huru no te fâraa mai o te malahi a te Atua ia'na, e i rotopu i te mau mea i faaitehia mai ia'na e, e ohipa ta te Atua i tuu mai ia'na ia rave. Ua parau mai oia e, e itehia to'na i'oa no te maitai e te ino i te mau nunaa atoa e te mau opu atoa e i te mau re'o atoa i te ao nei. I te reira taima aita e nehenehe i te hoê taata, maori râ na roto i te mana Mo'a ra, e aore râ i te tohuraa, ia tohu mai i taua mea ra. Tirara, ua tupu mau teie i te mau vahi atoa.

Aita hoê taata i teie nei tau tei herehia e tei faainohia mai ia'na te huru. Ua ite Satani e, mai te mea e faateere-noa-hia teie ohipa ta te Atua i maiti na Iosepha e rave e faaorehia te rahiraa o to'na mana i te ao nei, no reira, ua faatupuhia te riri rahi roa i nia iho i teie peropheta nei.

E haereraa ri'ari'a to'na. Ua tapuni te mau hamani inu i te pae purumu ra. Noa'tu te reira, ua farii oaoa oia i te hau no nia maira, e ere râ te huru tei tupu na roto mai i te faaearaa nehenehe mai te haapeapea ore-hia.

Te vai-atu'ra.

Te Mau Orometua Api Mai

I te 30 no Atopa i tae mai ai te pahi ra o Waitemata. E toru Orometua tei nia i te reira pahi. Hoê ra, o te vahine faaipoipo ia na Leri o te faaea nei i te piha toroa no te Peresideni Misione. Na Orometua tane ra, o Ira Jay Tree (Aira) e o Rodney Russell (Rotini), te faaea nei i Papeete nei i teie taime.

I te 9 no Ditema ua mai te pahi ra, o Waitomo. Tei nia iho e piti Orometua. O Joseph Childers (Jo) e o Wallace Dean Whiting (Dina). Te parahi nei te tahi i te faare Orometua, tei Paea te hoê i pihai iho ia Leri Orometua.

I te 12 no Ditema, ua maue atu to tatou na Orometua Donald Tregaskis e o Jay Larson, na nia i te Manureva, te hoi atu'ra i te feua ai'a, i rotopu i te mau metua, e te mau fetii, e te mau hoa. E te faaite maira raua i to raua mana'o aroha i to te Ekalesia atoa, mai te parau mai e, ia ora na ite taaeraa, te pure nei maua i te Atua, ia vai noa Ta'na haamaitairaa ia outou, Amene.

POU MOO Gérant et Imprimeur, Papeete, Tahiti.